



**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ  
ԼՈՌՈՒ ՄԱՐԶՊԵՏ**

**Ո Ր Ո Շ ՈՒ Մ**

28 դեկտեմբերի 2012թ. թիվ 287-Ա

**ԼՈՌՈՒ ՄԱՐԶՈՒՄ ՎԱՐԱԿԻՉ ՀԻՎԱՆԴՈՒԹՅՈՒՆՆԵՐԻ  
ԿԱՆԽԱՐԳԵԼՄԱՆ ԵՎ ԴՐԱՆՑ ԴԵՄ ՊԱՅՔԱՐԻ ԱՇԽԱՏԱՆՔՆԵՐԸ  
ՀԱՄԱԿԱՐԳՈՂ ՀԱՆՁՆԱԺՈՂՈՎ ՍՏԵՂԾԵԼՈՒ ՄԱՍԻՆ**

Ղեկավարվելով Հայաստանի Հանրապետության Նախագահի 1997թ. մայիսի 6-ի «Հայաստանի Հանրապետության մարզերում պետական կառավարման մասին» ՆՀ-728 հրամանագրի 1.17 կետի «բ» ենթակետով և Հայաստանի Հանրապետության կառավարության 2011 թվականի դեկտեմբերի 29-ի «Հայաստանի Հանրապետությունում վարակիչ հիվանդությունների կանխարգելման և դրանց դեմ պայքարի 2012-2016 թվականների ռազմավարական ծրագիրը և ռազմավարական ծրագրի միջոցառումների ցանկը հաստատելու մասին» թիվ 1913-Ն որոշմամբ հաստատված ռազմավարական ծրագրի 2012-2016 թվականների միջոցառումների ցանկի I-ին մասի 2-րդ կետի 2-րդ ենթակետի՝

Ո Ր Ո Շ ՈՒ Մ եմ.

1. Լոռու մարզում վարակիչ հիվանդությունների կանխարգելման և դրանց դեմ պայքարի աշխատանքները համակարգելու նպատակով ստեղծել հանձնաժողով՝ համաձայն հավելվածի:

2. Վարակիչ հիվանդությունների կանխարգելման և դրանց դեմ պայքարի ապահովման ընթացիկ աշխատանքները համակարգող պատասխանատու նշանակել ՀՀ առողջապահության նախարարության պետական հիգիենիկ հակահամաճարակային տեսչության Լոռու մարզային կենտրոնի պետ Կ.Միրզոյանին:

3. Սույն որոշման կատարման հսկողությունը դնել մարզպետարանի աշխատակազմի առողջապահության և սոցիալական ապահովության վարչության պետ Ս.Լամբարյանի վրա:

ՀՀ ԼՈՌՈՒ ՄԱՐԶՊԵՏ

Ա.ՆԱԼԲԱՆԴՅԱՆ

2012թ. դեկտեմբերի 28  
ք.Վանաձոր